

S **LO**
 Afl. 1.25
 BRIYANDO FUERTE • TRECIENDO CLARIDAD
 DIAMARS 26 MAART 2024
Di Pueblo

SOLO SALUD
 INDI CE DI FERTILID AD TA
 PRONOSTICA UN FUTURO
 SCUR PA HUMANIDAD

WWW.SOLODIPUEBLO.COM SOLODIPUEBLO@GMAIL.COM

**E SUMA LIBER DI
 IMPUESTO RIBA EKIPAHE
 DI BIAHERONAN TA SUBI
 DI 400 PA 900 FLORIN
 ENTRANTE DIA
 1 DI APRIL 2024**
 Exoneracion ta conta solamente pa articulonan y
 productonan di uzo personal



**LUNA DI FEBRUARI A HABRI CU
 122,149 TURISTA Ariba ARUBA CIFRA
 NAN TA DEMOSTRA CU TURISTANAN DI
 CALIDAD YEGANDO ARUBA**



**LUNA DI APRIL TA WORDO
 DECRETA COMO LUNA NACIONAL
 CONTRA ABUSO DI MUCHA**



**JEEP CHEROKEE A SUBI
 CRUSADA DAL UN MOTOCICLISTA
 NA CRUSADA MORGENSTER**

**ACCIDENTE FRONTAL CU HENDENAN
 HERIDA NA PALM BEACH**

Minister Endy Croes: TA PREMIRA CU MEMEY DI AÑA 2024 LO CUMINSA CU E CONSTRUCCION DI MUSEO BETICO CROES

Siman pasa, Minister Endy Croes, Fundacion Museo Betico Croes y e comision a reuni un bes mas den preparacion pa comberti e cas di e mayornan di Betico Croes (den feliz memoria) den un museo. Un museo cu e historia di Betico, e lider stima pa su pueblo, na unda cu e alumnonan di scol y nos bishitantenan por conoce un poco mas di e vida y lucha di nos libertador pa nos Status Aparte.

Fundacion Museo Betico Croes y e comision cu ta consisti di arkitekto y personanan cu experticio y conocimiento di museo a realiza un “site visit” pa asina por finalisa e plan. E deseo ta pa na luna di juni proximo tur rapport por ta riba mesa pa asina busca e financiamiento necesario pa realizacion di e bunita proyecto aki. Pa memey di aña 2024 lo por cuminsa cu e construccion pa converti e cas den un museo.



Minister Dangui Oduber

LUNA DI FEBRUARI A HABRI CU 122,149 TURISTA ARIBA ARUBA CIFRA NAN TA DEMOSTRA CU TURISTANAN DI CALIDAD YEGANDO ARUBA



–Minister di Turismo y Salud Publico sr. Dangui Oduber ta informa comunidad cu e resultadonan di turismo pa luna di februari 2024 a drenta. A ser demostra cu analisis den luna di januari 2024 cu un biaha mas e cifranan a surpasa e nivelnan di mesun luna di aña 2023.

Minister di Turismo y Salud Publico sr. Dangui Oduber ta satisfecho con aña 2024 a habri cu resultadonan

positivo. Februari 2024 a habri cu 122,149 bishitante cu a drenta Aruba. Aruba a ricibi un total di 128,386 turista crucero cu un 7.32% crecemento compara cu e mesun luna di 2023.

Aruba ta keda un destinacion faborito pa hopi bishitante. Resultado ta demostra cu Aruba e ricibi den februari 49 cruise calls cu ta un crecemento di 4.26%. Turistanan ta keda satisfecho cu Aruba y ta clasifica e “Guest

experience” cu un 9.0.

Den 2023 a cuminsa mid e impacto economico di “short term rentals”. Ta mid e impacto aki cu Average Daily Rate (ADR) cu ta na \$284 y Occupancy Rate cu ta na 78.2% cu un entrada di \$22,005.276 pa e luna di februari 2024.

Resultadonan ta demostra cuanto turistanan a gasta den nos economia den aña 2023. E turista ta gasta un averahe di 690 dollar americano. Minister Oduber ta menciona cu ta importante pa remarca cu entrada di short term revenue di Vacation Rentals na Aruba a bira uno hopi grandi cu un total di 217,225,200 dollar americano. E top



3 paisnan cu a gasta mas den nos economia den aña 2023 ta merca, hulanda, y chile. Ta mid e impacto aki cu e categorianan cu mas e turista ta gasta den dje: Restaurant: 31%, Hotel: 24%, Retail: 27% y Transport 7%.

Minister Dangui Oduber ta gradici tur e partnernan den turismo cu ta haci cu Aruba keto bai ta surpasando

tur cifra compara cu di 2023. Considerando e performance den luna di februari 2024 nos por conclui cu turistanan di calidad ta biniendo Aruba cual ta confirma cu e maneho di minister Oduber ta dunando resultado.

Danki na tur persona laborando den e sector turistico, nos asset di mas grandi ta keda nos dushi hendenan di Aruba.

Minister Maduro di Finansa ta informa:

E SUMA LIBER DI IMPUESTO RIBA EKIPAHE DI BIAHERONAN TA SUBI DI 400 PA 900 FLORIN ENTRANTE DIA 1 DI APRIL 2024

Exoneracion ta conta solamente pa articulonnan y productonan di uzo personal



Minister Xiomara Maduro ta informa cu entrante 1 di april 2024 e suma di exoneracion di impuesto riba ekipahe di biaheronan ta aumenta di AWG 400 pa AWG 900.

Esaki ta conta pa biaheronan cu ta trece articulonnan y productonan na momento cu yega Aruba bek for di exterior. Generalmente, tur biahero tin derecho riba exoneracion di impuesto riba un cantidad limita di articulonnan y productonan cu ta paga accijns.

E balor maximo riba e factura cu cada biahero tin derecho riba exoneracion di impuesto entrante 1 di april 2024 ta bira AWG 900. Esaki ta aplicable riba entre otro, articulonnan di paña, sapato, holoshi, celular, cos di hunga, y productonan di beyesa.

Articulonnan y productonan cu tin un balor di factura cu ta surpasa AWG 900, mester paga impuesto di importacion ariba e

articulo completo.

Pa productonan di accijns manera alcohol y sigaria, cada biahero por trece:

- 200 pida (1 slof) di sigaria, of 25 pida di siga, of 50 pida di cigarillos, of 250 gram di tabaco
- 1 liter di bebida fuerte p.e. rum of whisky, of 2,25 liter di biña, of 3 liter di cerbes.

Riba e productonan aki no mester paga accijns. Den e caso cu e biahero surpasa e cantidadnan aki, lo mester paga accijns riba e productonan.

E mandatario ta sigui informa cu pa bin na remarke pa exoneracion di impuesto, tur biahero:

- Mester tin minimo 16 aña di edad
- Mester tene na cuenta cu e exoneracion ta conta solamente pa articulonnan/productonan di uzo personal.
- Mester tene na cuenta cu pa cierto articulonnan/

productonan entrada ta prohibi of lo tin mester di un permiso, manera drones, remedi, mata y carni.

Minister di Finansa ta subraya cu Aduana ta haci control riba ekipahe y pa biaheronan warda e facturanan pa por calcula e balor di e productonan cu a cumpra. Pa mas informacion acudi na www.douane.aw of pagina di Facebook Departamento di Aduana Aruba.



ELMAR

Feliz Pasco Grandi!

En conexion cu un reunion interno nos oficinanan lo cera pa 12:00 pm y servicio di caha lo cera 11:30 am:
27 di Maart 2024

En conexion cu Bierna Santo y Pasco di Resurreccion nos lo ta cera henter dia ariba:
28, 29 di Maart y 1 di April 2024



Den caso di emergencia por yama libremente nos Storingsdienst na 523-7147.

SETAR CONECTANDO E DISTRICTO DI NOORD, SAVANETA Y SAN NICOLAS SIMULTANEAMENTE CU FIBER DEN 2024



implementacion di Fiber Internet den e distrito di Savaneta y San Nicolas. Un infraestructura moderno di futuro cu lo brinda e clientenan un conexion stabiel, speed di Internet mas rapido y miho cobertura den cas pa conecta bo Smart TV, laptop, tablet, celular y otro aparatonan den cas cu ta conecta cu Internet.

Desde aña pasa SETAR ta trahando riba e

Despues di casi 9 luna por

mira cu e trabounan ta continua, tin hopi cliente satisfecho cu nan servicio nobo di Fiber Internet y IPTV pero no ta tur cliente ta conecta ainda. SETAR su meta ta pa traspasa tur cliente di Savaneta y San Nicolas den 2024. Actualmente SETAR ta bezig den e area di Mabon, Brazil y De Vuyst.

Tambe por a nota cu trabounan den Noord ta andando simultaneamente cu pariba di brug. Den

Noord, SETAR ta bezig den e area di Sabana Liber, Kudawecha y Alto Vista. Intencion ta pa keda cla cu Noord p'asina poco poco otro districtonan tambe wordo cambia.

Ta urgi tur cliente cu por a ricibi un carta di SETAR Fiber pa traspasa pa e servicio nobo y no a hacie ainda pa tuma contacto cu SETAR di biaha p'asina evita di keda sin servicio. Cada luna SETAR ta bezig ta shutdown nodenan di

su red di kabel TV den e areanan di Noord cu ta ful traspasa pa Fiber Internet y IPTV.

SETAR ta riba un mision pa conecta Aruba completo riba e infraestructura di Fiber, unda cu clientenan por experencia speednan di Gigabit. Nos lo sigui traha den fase y lo notifica y informa tur cliente debidamente na momento cu e distrito yega na beurt.

SKOA TA CUMPLI CU SU COMPROMISO PA OFRECE EDUCACION INCLUSIVO PA TUR MUCHA

Oranjestad, Aruba: Educacion inclusivo ta pa tur mucha, no obstante nan limitacion fisico. Esaki ta locual cu SKOA ta kere aden y ta traha duro pa por cumpli cu e compromiso aki, pa asina tur mucha ricibi e educacion cu nan tin mester pa desaroya y forma parti di nos sociedad.

SKOA ta brindando guia y sosten special na diferente mucha cu limitacionnan entre otro di bista, oido of incapacidad fisico. Muchanan cu tin limitacion di bista, ta haya

guia special di FAVI. SKOA tin un lista amplio di scolnan cu ta ricibi e guia aki for di FAVI pa asina nan muchanan por wordo yuda a base di nan nivel di limitacion di bista.

E obhetivo principal ta pa guia y sostene cada mucha a base di nan necesidad specifico, asina aki FAVI por ofrece un guia completo pa tur mucha por desaroya y crece den personalidad como tambe e parti academico.

FAVI ta yuda muchanan di SKOA cu entre otro

material di les cu ta wordo traha specialmente pa cada nivel di educacion cuminsando for di kleuter te cu scolnan secundario.

Muchanan cu ta haya e guia aki ta wordo asisti personalmente durante oranan di scol y tambe ta haya guia special ora ta trata di examen cu nan mester traha pa por sigui eleva di klas.

Scolnan cu ta resorta bou di SKOA cu ta hayando e sosten di FAVI ta: Scol Preparatorio Prome Paso, Colegio Pastoor



Kranwinkel, Colegio Sagrado Curason, Rosario College, Colegio San Augustin, La Salle College y Scol Caiquetio.

Si abo ta un mayor cu un yiu cu ta bay cuminsa scol y cu tin limitacion di bista,

pasa na SKOA pa asina haya mas informacion di e guia cu e mucha por ricibi di FAVI. Pa mas informacion por bishita nos website www.skoa.aw of por yama SKOA na liña directo 5231800.

Secretario General di MEP na DOWERS y AVP: Prohibi pa lubida

PATRICIA DOWERS A COBRA 400 MIL FLORIN DI CASA PA CASA

Nos por a tuma nota cu algun “sapato bieu” di AVP manera, Mike Eman, Mike de Meza y Dowers ainda kier fomenta odio den pueblo contra nos Minister Presidente Evelyn Wever - Croes y partido MEP. Nos lo percursa pa keda recorda pueblo di e berdadero cara di AVP. Alabes lo percursa pa nunca, pero nunca mas pueblo lubida e gran logronan di AVP den e periodo 2009-2017: 1. AVP a crea e Mega Debe, 2. AVP a bin cu e LAFT, 3. AVP a ranca 201 miyon di nos companianan estatal, 3. AVP a Hedge WEB, cual a costa pueblo 300 miyon, 4. AVP a regala Richard Arends “Horizon Consultancy” 4 miyon florin, 5. AVP a regala Speed y Patrick 8 miyon florin, 6. AVP a corumpi RDA hortando 20 miyon, 7. AVP a regala Patricia Dowers, kende ta casa di Dowers, 400 mil florin, 8. AVP a regala abogado Sjiemfat 5 miyon florin, Rapport Bo Aruba di Algemene Rekenkamer cu a prueba e corrupcion di 1.6 biyon florin di AVP, 9. Mike Eman a regala su ruman 1.9 miyon pa un (1) auto di careda, 10. AVP a brasa corrupcion cu e resultado conoci casonan IBIS y Avestruz, unda Paul Croes awe ta cera den KIA y Benny Sevinger tin veredicto di prizon riba su cabes rumbo pa KIA. Pues, e “Mafia Partij” AVP y su bandidonan ta bon conoci pa su casonan bochoroso y esaki hamas pueblo kier pa ripiti. Tur ta cu prueba! Prohibi pa lubida.

Dowers papiando di integridad anto su casa a cobra 400 mil florin: Nos por tuma nota cu Dowers kier papia di integridad. Dowers kier insulta nos Minister Presidente Evelyn Wever – Croes y kier ataca partido MEP den su totalidad na un forma baho. Con Dowers tin e pudor di papia di integridad. Den AVP ta nepotismo y corrupcion a wordo practica entre 2009-2017. Dowers no tin berguensa? Dowers su casa Patricia a ranca 400 mil florin for di fondonan publico. Dowers mes kier public’e of Dowers kier pa nos public’e ? Esaki ta nepotismo.

Dowers ta cera wowo

pa realidad:

Arthur Dowers ta un di e politiconan mas corumpi na Aruba. Banda di a practica nepotismo, Dowers a brasa corrupcion. Dowers ta bon bon na altura di e casonan manera, IBIS di Paul Croes cu awe ta pagando pa esaki den KIA y sigur Dowers ta completamente na altura di e caso AVESTRUZ di Benny Sevinger, esta e corrupcion di siglo. Benny y e gang di AVP entre otro, Leoncita “bisami” Arends, Susebeek pa nombra algun ta amigonan directo di Dowers y tur a haya sentencia di prizon. Refrescando Dowers su memoria hues a incuata, esta kita 2.5 miyon florin for di Susebeek, kende ta e miho amigo di Benny y



Dowers for di Orca Bank na Curaçao, placa procedente di benta di terenonan di pueblo. Dowers nunca, pero nunca ta papia di corrupcionnan monstruoso di e “Mafia Partij AVP”. Alcontrario, Dowers kier ataca Minister Presidente di Aruba riba tema di integridad, mientras Dowers y AVP ta brasa

corrupcion y ta protegiendo Benny Sevinger te cu awe, mientras Benny ta un criminal sentencia den corte. Tur esakinan ta prohibi pa lubida y nos lo percursa pa ki ora Dowers papia disparate nos lo refresca su memoria pa pueblo conoce e berdadero cara di e mafiosonan di AVP.

UNOCA ta informa comunidad di Aruba cu pa aplica pa cofinanciamiento pa proyecto di San Juan (Dera Gay) su “deadline” ta 1 di april 2024.

Bo ta un persona cu ta interesa pa haci un proyecto/actividad di San Juan (Dera Gay) 24 di juni 2024? Wel, ata bo oportunidad pa yega e formulario di aplicacion.

Pa yena e formulario di cofinanciamiento por bay riba nos **website www.unoca.aw**

Click riba **informacion** pa lesa tur criteria di aplicacion.
Click riba **formulario** pa yena e formulario di aplicacion.

Si pa un of otro motibo bo no por logra yena e formulario, por yama nos na 5835681 of manda un e-mail na info@unoca.aw.



BUNITA RECEPCION NA OCACION DIA NACIONAL DI ARUBA NA HULANDA

Den Haag –Minister Plenipotenciario mr. Ady Thijsen y esposa a tene un recepcion pa celebra Dia di Himno y Bandera na Hulanda. Desde 2015 Arubahuis ta tene un recepcion pa invitadonan for di e mundo politico, embahadornan, functionarionan halto di Estado of di ministerionan cu lasonan estrecho cu Aruba. Tambe miembronan prominente for di e comunidad Arubiano na Hulanda y representantenan commercial y di institutonan di enseñansa tanto riba nivel di HBO como Universidad.

Entre e huespednan tabata burgemeester di Den Haag Jan van Zanen, ex-burgemeester di Venray Leontien Kompier y miembro di Eerste Kamer Tekke Panman. For di e cuerpo diplomatico tabata presente entre otro embahadornan di Alemania, Uruguay, Norwega, Dinamarca y representante di embahada di Cuba, Colombia, Costa Rica, Peru, Chili, Panama y Italia.

E programa oficial a cuminsa cu canto di nos himno Aruba Dushi Tera pa e cantante y e participante di The Voice of Holland. Minister Plenipotenciario mr. Ady Thijsen a cuminsa na bisa cu e ta hopi contento cu hopi hende a acepta e invitacion pa celebra nos Dia Nacional. ‘Un dia cu nos ta orguyoso dje y ta un dia pa wak bek y mira padilanti. Aruba semper a hunga un rol

importante riba e tema di estructura estatal y lo kier tuma e rol aki bek door di ta mas visibel na Hulanda. No rond di Binnenhof so, pero tambe na nivel di municipio y provincianan. Esaki tambe ta conta pa Union Europeo. Esaki a resulta den un vision cu ta concentra riba un cantidad di pilarnan. Esaki ta implica bon relacion cu Gobierno Central, Eerste y Tweede Kamer y e ministerionan. E otro pilar ta e municipionan y provincianan; mescos cu ta e caso cu Hogeschoolnan y Universidad. Contacto cu e embahadanan tambe ta forma parti di e vision aki. Importante ta pa fortifica nos relacion cu Union Europeo, asina Minister Thijsen a bisa.

E mandatario siguiientemente a elabora riba e plannan y proyectonan pa aña 2024, cuminsando na menciona cu durante di e OCT-EU Forum na Bruselas na February ultimo Aruba a keda elegi como presidente di e conferencia ministerial di OCTA y lo organisa e conferencia ministerial otro aña na Aruba. Tambe cu Aruba na mesun momento ta carga e presidencia di e executive committee di OCTA. Minister Thijsen: ‘Na Bruselas nos Prome Minister Evelyn Wever-Croes a firma un acuerdo di 15 mion euro pa e miembronan di OCTA, mientras cu Minister di Asuntonan Economico Geoffrey Wever a firma un acuerdo di 14.2 mion

euro pa digitalisacion di e aparato gubernamental di Aruba.’

Minister Thijsen a sigi pa menciona cu na comienso di maart Gabinete di Aruba a haci entrega di su Relato Annual 2023 na Prome Minister Evelyn Wever-Croes; cu despues di hopi aña, na april benidero lo tin un Arubadag na Broodfabriek na Rijswijk. Sr. Thijsen den su discurso a enfatisa cu Gabinete di Aruba ta pa nos Arubianonan na Hulanda pa brinda sosten unda por. ‘Un otro grupo di Arubiano cu tambe ta hopi importante pa nos, ta nos studiantenan. Pa estrecha e laso cu nos studiantenan, a dicidi pa tene un serie di encuentronan bou di e nomber Ban Topa. Esaki como meta pa brainstorm cu studiantenan riba topiconan cu ta importante pa nan manera vivienda, seguro medico, guia y e retonan pa biba y studia na Hulanda. Keda den contacto cu nos studiantenan tambe ta importante pa stimula nos profesionalnan pa bai bek Aruba, mirando cu tanto e sector publico como e sector priva ta desea di mira mas di nos hendenan bin bek Aruba,’ segun Minister Thijsen den su discurso.

E mandatario a para keto na e bon relacion cu Gabinete di Aruba tin cu hopi embahadanan na Hulanda y cu e aña aki lo sigi fortalisa e lasonan aki pa yega na proyectonan di cooperacion concreto cu ta beneficia ambos



pais. Sr. Thijsen a bisa cu e anochi aki tambe ta un momento pa comparti cu e huespednan e situacion actual na Aruba. Segun Minister Thijsen e recuperacion di Aruba segun IMF y agencianan di ratings ta impresionante. ‘Aruba su economia a conoce un crecimiento enorme den e ultimo dos añanan; nos GDP a yega na un nivel di prome cu e pandemia y Aruba pa dos aña consecutivo tin un surplus riba cu presupuesto. Turismo como nos pilar economico mas principal ta kibrando records. Tur esaki ta duna Aruba tambe e oportunidad pa mira con pa traspasa e prosperidad aki cu nos ta mira den e cifranan macro-economico, na e bienestar di henter e poblacion. Na mesun momento Aruba ta conciente cu mester

diversifica su economia. Nos ta kere cu e transicion di energia lo contribui na e diversificacion aki y crea pilarnan nobo. Aruba a muestra cu no unicamente nos por bons bek, pero tambe nos por bons padilanti.’

Finalmente Minister Thijsen a gradici e huespednan pa tabata presente cu sigur ta un muestra di amistad y cu un cariño grandi pa Aruba y cu e palabranan aki a haci un brindis riba un mihor futuro pa Aruba.

E conocido saxofonista Arubiano Delbert Bernabela a brinda e publico presente cu musica Arubiano.

Nota pa redaccion: E potretnan ta cortesía di Arubahuis y nomber di e fotografo ta Michel Groen.

Prome Minister Evelyn Wever-Croes:

Prome Minister Evelyn Wever-Croes:

LUNA DI APRIL TA WORDO DECRETA COMO LUNA NACIONAL CONTRA ABUSO DI MUCHA

"Mi ta condena abuso di mucha, specialmente abuso sexual di mucha, y mi ta compromete mi mes pa sigui traha hunto cu e profesionalnan den e veld, pa logra combati abuso contra nos muchanan"



Dialuna mainta durante conferencia di prensa di Gobierno di Aruba, Prome Minister Evelyn Wever-Croes a anuncia di ta decreta luna di April como e luna nacional contra abuso di mucha. Durante e luna aki, ta pidi tur ciudadano pa para keto na e problema serio di abuso y abuso sexual di mucha.

Prome Minister a splica cu na momento cu un mucha wordo abusa, e impacto riba su bida ta uno desastroso, mirando cu e lo carga esaki cu ne pa resto di su bida. Pero esaki no solamente ta afecta e criatura sino tambe e famianan rond di dje. Pa cu esaki, Gobierno conhuntamente cu profesionalnan den e area aki a bin ta haciendo hopi pa purba combati e actonan aki, pero no ta suficiente,

mirando cu un estudio ta indica cu 99% di esnan cu ta comete e acto aki ta un persona cu ta cerca di e famia. Esaki ta loke ta haci e lucha aki pa Gobierno y e profesionalnan hopi mas dificil, pasobra ni Gobierno ni otro instancianan no por dicide cu ken e mayornan ta laga nan yiu. P'esey ta importante pa decreta e luna di April como e luna nacional contra abuso di mucha, na unda ta pidi henter comunidad pa para keto un rato den e lucha contra abuso di mucha.

Na inicio di gobernacion di Gabinete Wever-Croes, Gobierno a bin ta traha constantemente riba diferente ley y procedura pa percira cu e castigo p'e abusado ta bira mas severo, y a traha riba prevencion y educacion cu ta un parti esencial den e lucha aki. Tambe, a nota cu ta di suma importancia pa pone mas atencion na e veld social y a cuminsa traha den e Social Crisis Plan riba e problematica aki.

A institui un Comision Nacional di Abuso di Menor, Bureau Sostenemi a bira Advies en Meldpunt Kindermishandeling (AMK), a institui un comision "Sexueel misbruik minderjarigen" bou guia di sra Lisette Gomez – un persona cu a



dedica su bida na bringa e abuso aki, a bin cu varios ley pa proteccion di muchanan: Ley di creche, ley di proteccion di mucha y hoben, ouderenplan, a inaugura Centro pa Hoben y Famia pa yuda mayornan fortalece nan 'parenting skills', a institui e departamento di Mucha y Hoben, a introduci FACT-team Kind en Jeugd di Sociaal Psychiatrische Dienst, a expande crisis "opvang plekken" na Fundacion Contra Violencia Relacional; y Stichting Reclustering a establece su departamento di "Jeugd" reclustering.

Tur esakinan ta esfuersonan haci durante añanan pa Gobierno den purba combati abuso contra menor. Hopi ta esnan cu kier wak castigonan halto pa e abusador,

pero mester corda cu e bienestar di e victima, y e investigacionnan cu mester wordo haci pa

asina un hues por dicta un castigo halto tambe ta importante.

LUNCH MENU



HORARIO:
11:00AM- 3:00PM

OKÉ TAKE AWAY

SANTA CRUZ 36

- ✦ CHICKEN ALA PARILA
- ✦ BEEFCUTSMALL
- ✦ KOOL STOBA CU RIBS
- ✦ CHICKEN ALFREDO PASTA
- HAPPY BOX!!
- ✦ PORKCHOP BASKET OP=OP
- 14 FLORIN

SEE YOU SOON!

☎ 746-3571.. 565-3232

Prome Minister Evelyn Wever-Croes: ALUMNONAN DI MARIA COLLEGE MAVO A RESALTA CU NAN TALENTO DEN E STREAM FAIR & OPEN DAG Un anochi yena cu talento y demostracionnan interesante



Diabierna anochi Prome Minister Evelyn Wever-Croes a atende e STREAM Fair & Open Dag di Maria College MAVO. Durante e anochi interesante aki e studiantenan a haci demostracionnan di e materianan cu nan ta studiando den klasnan di STREAM.

E anochi a habri unda Prome Minister a haya un splicacion di kico ta STREAM. Prome Minister ya tawata conoci cu e concepto STEM (Science Technology Engineering Math), despues a añadi e “A” di Arte y esaki a bira STEAM y actualmente a añadi e “R” di Reading y e concepto awor ta STREAM cual den su totalidad ta significa: Science, Tecnology, Reading Engineering, Art, y Math.

E studiantenan di STEM a demostra kico tur nan ta siñando den e materia natuurkunde y biologie y a duna demostracionnan y presentacionnan hopi interesante. Aki Prome Minister a gradici e alumnonan di a dun’e e oportunidad di wak un celula bou microscop cu tawata un experiencia hopi special p’e y a trece recuerdonan di tempo el a studia medicina.

Den e area di lesamento, Prome Minister por a wak e forma cu Maria College ta uza pa asina stimula e lesamento cerca e alumnonan y haci e materia di Hulandes mas interesante cerca e hobennan den forma di weganan interactivo. Pa loke ta trata e materia di arte, cada klas mester a presenta un piesa di arte y aki por a mira e talento cu a sali for di cada alumno. Esaki pa medio di piesanan di arte impresionante di diferente tecnica, diferente material, diferente tema manera paisahenan, naturalesa, arte



mosaico y hopi mas.

Prome Minister a expresa cu e anochi aki tawata uno interesante, yena cu informacion y enseñansa, y cu tawata hopi bunita pa wak studiantenan contento y orguyoso di por a demostra nan talentonan. Prome Minister a pone enfasis y a gradici e docentenan cu e bon enseñansanan na e studiantenan ya cu por a mira e refleho di esaki durante e anochi aki.

“Un pabien na Maria College pa organisa e evento aki, pero specialmente un pabien na e alumnonan, cu a resalta nan talento den e STREAM Fair & Open Dag. Mi ta sigur cu nan ta bay tin un futuro briyante”, Prome Minister a expresa.

LIDERNAN DI CENTRO TRAIMERDIA A FINALISA CURSO DI ATENCION, RELAHACION Y AWARENESS (ARA) EXITOSAMENTE!



Instructornan di ARA, Leontine Merkies y Shanti

Augusta a keda masha inspira cu e 10 lidernan di Traimerdia cu a participa na e curso ARA di 6 siman pa siña duna e muchanan ehercicionan di Atencion, Relahacion y Awareness. Nan dedicacion y motivacion tawata uno excepcional. Nan a logra implementa ehercicionan cu hopi amor, creatividad y exitoso na trabao cu nan coleganan, muchanan y mayornan.

Nan ta un bunita ehempel pa e otro empleadonan di Traimerdia, di cual nan lo sa di transferi tur e



conocemento adkeri na e otro coleganan.

Na final di e curso nan a ricibi certificado y regalo special di cual ta bon mereci.

Bureau Traimerdia kier

a duna un pabien na instructornan como tur lidernan di Traimerdia pa nan dedicacion y nan contribucion na e desaroyo di recursonan natural interno di nos muchanan.

BAN BUSCA WEBO NA PLAYA PABAO

Playa Pabao – Directiva di Centro di Bario Playa Pabao ta anuncia su proximo actividad cual lo ta “Ban Busca Webo na Playa Pabao”. E Actividad aki ta tuma lugar diadomingo 31 di maart, mainta di 9’or pa 11’or na nos Centro. Riba e dia aki tin buscamiento di webo pa muchanan di 4 aña te cu 8 aña. Mayornan por inscribi nan yiu(nan) di dialuna pa diahuebs

mainta di 9’or pa 12’or y despues di merdia di 3’or pa 6’or. Diasabra mainta di 9’or pa 11’or un miembro di directiva lo ta na Centro pa tuma inscripcion.

Pa e actividad aki directiva di Centro di Bario Playa Pabao ta cobra un contribucion di 7.50 florin. Muchanan lo ricibi un “hotdog” y “juice” y naturalmente nan tin e



oportunidad pa gana un premio. Pa motibonan organisatorio directiva di Centro di Bario Playa



Pabao ta hasi un apelacion riba mayornan pa inscribi nan yiu(nan) na tempo y no warda te na ultimo



momento. Ultimo dia pa inscribi ta diasabra mainta 30 di maart.

CANDELA DI CAS NA TANKI LEENDERT, NO TAWATA BERDAD

Tanki Leendert - Diadomingo anochi den careda di 8’or polis y brandweer a sali pa un compleho di casnan situa pariba di Glenn's Take Away.

Eynan lo tawata tin un cas na candela.

Na yegada, no tawata tin ni huma y menos candela.

Brandweer a bay controla y a resulta cu ta


un tanki di gas chikito lo a “rementa”. E cylinder di gas chikito a wordo treci pafo, y por a mira cu e ta “ok”.

Elmar tambe a presenta, pero no tawata tin nada cu mester a kita coriente pa Brandweer por a traha.

Despues cu a controla tur cos, polis y brandweer y Elmar a bandona e sitio.



Accidente frontal cu hendenan herida na Palm Beach



Diadomingo madruga a drenta informe di un accidente cu hende herida na

Palm Beach, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente ubda cu un chauffeur bao influencia a bay bira na man robes pero e no a duna e trafico contrario preferencia y nan a dal frontal. Debi na e fuerte impacto ambos chauffeur a resulta herida.

Na yegada di e ambulans nan a atende e victimanan y a transporta nan pa hospital.



Dashcam di auto a capta victima hinca cana bay pabao y sospechoso core bay pariba!

Diasabra madruga e dashcam di un di nos colaboradornan a capta e momento di un caso di hincamento na J.G. Emanstraat, a capta momento cu e victima ta cana bay pabao pa busca ayudo mientras poco mas pariba a capta e sospechoso ta core bay pariba.

Na yegada di e patruya a haya e victima cu un hinca na su barica y tabata san-



grando. Na yegada di e ambulans nan a atende e victima y a transporte pa

hospital. Polis a busca den e area pa e sospechoso pero no a encontra cun'e.



Dashcam ta un bon instrumento pa bo tin instala den bo auto ora di accidente of suseso e ta un testigo di locual a sosode y

tin'e documenta cu ora y e sitio indica. Pa mas informacion di e dashcam por contact The Key Production na 5605688.

Hendenan na cas a kere cu dama turista a yega cas cu overdose!

Diasabra madruga a drenta informe di cu un dama turista lo a yega cas na Tanki Leendert cu un overdose di alcohol, mesora a dirigi tanto polis como ambulans na e sitio. Na yegada di e patruya a bin compronde cu aki no ta trata di overdose pero si algo cu a haci e turista malo y a pone saca pero ya despues di e sacamento ela recupera y no



tabata mester mas di ambulans. Polis a cancela e

ambulans y a sigi cu nan patruyahe.

Clasificados

SOLODIPUEBLO@GMAIL.COM
CEL. 585 9500

Jeep Cherokee a subi crusada dal un motociclista na crusada Morgenster



Diaranson anochi a drenta informe di un accidente cu hende herida na e crusada di Morgenster, mesora a dirigi tanto polis como ambulans na e sitio.



Na yegada di e patruya a bin compronde cu aki ta trata di un accidente unda cu e chauffeur di e Jeep biniendo for di Meiveld no a mira e scooter ta bin for di Hooiberg y a subi

caminda y a dal e motociclista bente abao y a resulta herida. Na yegada di e ambulans nan a atende e motociclista levemente herida na e sitio mes.

Akinan resultado di Feria Himno & Bandera organisa pa Organizacion Caballista Arubano



Diadomingo a tuma lugar e Feria Himno & Bandera na Villa Floralina organisa pa OCA. Un total di 22 Jinete & Amazona a participa den competencia representando diferente Rancho rond di Aruba y nan instructornan. Tabata tin un total di 5 participante den e categoria di Principiante, akinan e resultado a keda como lo siguiente:

Mehor Amazona 6-8 Anja - Sheyxienne Geerman
 Prome Lugar - Adeline Lomans
 Prome Lugar Jinetes 6-8 - Aiden Kock
 Mehur Amazona 9-11 - Kaylee Pinto
 Prome Lugar - Jurlainey Vrolijk
 Den e categorianan regular e competencia

tabata mas fuerte cu mas participacion pero e jueznan Maria Consuelo Villamizar di Colombia y Juan Zuleta di Aruba a logra yega na nan decision final sin mester di bay na pruebanan di comparacion. E jueznan a duna splicacion amplio di e posicion cu cada Jinete of Amazona a ocupa, pa asina por sigi mehora pa e siguiente competencia. Resultadonan a keda como lo siguiente:

Mehor Amazona 6-8 - Alessia Garcia
 Mehur Amazona 9-11 - Mia Rose Tromp
 Prome Lugar - Zaria de Groot
 Segundo Lugar - Melouanne Sempertiguez
 Tercer Lugar - Emilie Lomans
 Cuarto Lugar - Zoe Solagnier
 Mehur Jinete 9-11 - Benjamin Soliana
 Mehur Amazona 12-14 - Xyselle Dijkhoff
 Prome Lugar - Yusverly Pena Castillo
 Mehur Jinete 12-14 - Zachary Coffie
 Mehur Amazona 15-17 - Xielle Koolman
 Prome Lugar - Courtney Irausquin
 Segundo Lugar - Abigail Wong
 Tercer Lugar - Emely Thijzen
 Mehur Jinete 15-17 - Jordy Zievinger
 Mehur Amazona 18-20 - Carolina de Cuba
 Mehur Amazona 25+ - Lea Vink
 Un pabien na tur participante!

Clasificados

SOLODIPUEBLO@GMAIL.COM
 CEL. 585 9500

ARMONIA
 Y BELLEZA SALON & SPA

SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:
 ☎ # 5684142 (WhatsApp)
 ✉ armoniaybellezasalonspa@gmail.com
 📍 Shiribana 12 b, Aruba

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Ahaaaaa! Awe nos ta conta boso un crenchi di nos "viaje" rond di Aruba, riba nos Dia Nacional, 18 di Maart 2024. Nos no a bay tur caminda na unda tawatatin bunita actividad, nos a keda pabao di brug. Pa cuminsa, Lady Ruth a lanta den oranan di merdia y no a alcansa wak e parada di e gruponan uniforma na televishon. Pero su casa Johan si a lanta mas tempran pa a hisa e bandera di Aruba. Un di e actividadnan na unda Lady Ruth a presenta, tawata e Diabierna dia 15 di Maart, prome cu nos Dia Nacional mes, na scol Reina Beatrix, na unda nos a tene un dushi "Zang uurtje" cu nos muchanan di klas 2, en total mas o menos un 45 mucha, riba invitacion di curason di lieve juffr. Christine. Nos a canta bay gol nos canticanan di mucha na Papiamento cu acompañamento musical di mi tamburin. Pa privacidad di e muchanan, nos no lo pone potret den corant di e dushi mainta aki. Riba nos Dia Nacional mes, nos a bishita primeramente Biblioteca Nacional, tawatin dushi musica

di e grupo di Rubin Ponson y como un bon Poeta semper inspira, Lady Ruth a cumpra un buki "Het land der letteren" pa solamente un florin, cu ta inclui poema tambe den dje y un bunita bando pa cabei traha na man. Nos a saborea un dushi juice di tamarijn cu nos a cumpra na e stand di lieve Josie, un di e muhenan fabulosa y nos a sali cu rumbo pa Fort Zoutman, na unda nos a topa nos amigo Poeta Leo cu ta Maestro di ceremonia tur Diamars y tambe na Poetry Night, cu a guia nan bunita programa dia 18 di Maart. (Despues nos ta bin cu nos relato di Poetry Night y di e bunita anochi di Poesia dia 21 di Maart na Museo Cas Tan Tin.) Nos a dren-ta e museo Fort Zoutman y a admira tur locual tin eyden di nos antepasadonan di anjanan atras. Despues nos a sali cu rumbo pa Centro di bario Playa Pabao, na unda tawatatin super dushi ambiente cu varios bunita gruponan di baile. Eynan nos a topa cu e Poeta Lady Ari, (elegantemente bisti cu su blazer cora y sombre cu sjaal di Aruba), cu ya

a recita su poema y cu ya tawata preparando pa sali pa Centro di bario Noord, pa su presentacion ayanan tambe. Despues di un di e gruponan di baile den CBPP, tawata Lady Ruth su beurt di recita poema, locual nos a hasi tambe cu hopi amor y pasion pa nos dushi Aruba y pa e dushi hendenan di Playa Pabao y vecindario y tur otro cu a bishita CBPP e dia aki. Contento di por a topa cu e bunita sra. amiga y sister Avelyn Jacobs, e esposa vda di pastor Sidney Jacobs (dfm), un shon di hende cu tawata hopi activo den su lodge tempo e tawata na bida. Nan prinses ta bayla den un di e gruponan. Net saliendo di CBPP pa continua cu nos "viahe" rond di Aruba, nos a wak e grupo di baile di Diana Antonette tawata bayendo pa subi e stage pa nan bunita presentacion. Cu nos bon amigo Nico Luydens ketobay den tou, cabayero activo baylador meymey di e damsnan bisti den nan outfit di folklore masha masha bunita mes. Di eynan nos a sali cu rumbo pa nos fabrica di Aloe den curason di Hato, na unda tawata tin super dushi musica di "Rincon Boyz" y aunke tawata tin hopi solo cayente, e bishitantenan tawata move, cumpra algo di come of bebe, of un of otro producto di aloe. Despues di a saca potret aki aya ariba e tereno extenso di aloe cu su productonan famoso gusta pa nos turistanan y nos mesun hendenan local, nos a sigui keiro den auto, rumbo Sta. Cruz pa sinti e ambiente eynan tambe un crenchi. Mien-



tras nos tawata keiro den auto, nos tawata wak cuanto y na unda tin bandera di Aruba. Pasando den Piedra Plat, bayendo Sta. Cruz, pasando den Paradera, a nota cu no tawatatin bandera na Cas di Mito MFA Paradera, jammer. No tawatatin hopi bandera, leu leu un cas cu un bandera. (Nos no a bay tur caminda, nos no sa na unda tawatatin bandera di Aruba y na unda no, ta djies nos a nota cu no tawatatin na e edificio di MFA den Paradera). Pa conclui nos relato nos ta felicita e dinamico team di domino "Pluma Gang" representando e dushi bario di Dakota tur dia. "Pluma Gang" a bira campeon den e Torneo di domino Hymno y Bandera

cu a tuma lugar na Plaza Status Aparte na Sta. Cruz. E team aki ta consisti di 25 cabayero hungador di domino di diferente bario, pero ta hunga y train regularmente na cas di famia Chang na Dakota y ta hunga weganan amistoso contra otro team. (Nos a logra hanja un pic di dos di nan hungadornan). Un bearhug pa boso y pa tur nos lectornan di nos relato e siman aki, cu e bon deseonan pa salud, bon energia, alegria y sabiduria! Shonnan, danki pa sinti cu nos un rato, e dushi alegria di nos Dia Nacional cu ya ta trai lomba. Danki pa ta un pueblo ehemplar cu ta stima su hymno, escudo, su bandera y su dushi idioma Papiamento.

En conexion cu celebracion di Dia di Himno y Bandera MINISTER XIOMARA MADURO A BISHITA NOS GRANDINAN DI MARIS STELLA



Recientemente, en conexion cu nos Dia di Himno y Bandera, Minister Xiomara Maduro di Cultura a pasa bishita nos grandinan di Maris Stella pa

comparti un rato ameno cu nan y pa trece un bunita tshirt di 'Aruba, orguyo di nos tur' como aprecio pa nan y e staff di Maris Stella por bisti pa e celebracion di Dia di Himno y Bandera.

Durante e mainta aki, e mandatario a haya un recorrido den Maris Stella pa mira con nos grandinan ta pasa nan dia. Despues di esaki, Minister Maduro a compaña e grandinan tocando un piesa di Cah'i Orgel pa asina deleita e grandinan cu musica tipico di nos Pais.

Minister Maduro ta gradici e staff completo di Maris Stella pa e bunita trabou cu nan ta eherce na bienestar di nos grandinan.

E mandatario ta gradici nos grandinan pa e bunita mainta aki unda e tabata tin e placer di pasa saluda, combersa un rato y toca Cah'i Orgel pa asina alegra e curasonnan di nos grandinan den un bishita ameno.



PRONOSTICO DI TEMPO

VALIDO TE DIAMARS 26 DI MAART 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO DEN MARDUGA Y MAYAN: PARCIAMENTE NUBLA SIN AWACERO DI IMPORTANCIA

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 33 PA 38 GRADO CELSIUS

UV INDEX: 12

POTENCIAL DI AWACERO PA PROXIMO 24 ORA:

MENOS DI 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA, SIN AWACERO DI IMPORTANCIA.

BIENTO LO TA FOR DI DIRECCION OOST Y MODERA;

BASTA FUERTE TE FUERTE DEN RAFAGA. TEMPERATURA (GRADO CELSIUS)


MAX / MIN LO TA: 32 / 26

Despues di cu a controla detenido cu kap na cabes madruga, den oranan di mainta si ela ser hiba hospital cu boei na man y pia!

Dialuna mainta un detenido cu a ser hiba na warda di recherche tabata keha di hopi dolor di cabes durante interogacion, debi

na tanto dolor recherche a dicidi di yama ambulans p'e. Na yegada di ambulans a ripara cu e detenido di berdad nes tin hopi do-

lor di cabez debi na e kap cu e tin na su cabes y cu ta necesario pa hib'e hospital. Den oranan di madruga



e tabata sinti malo caba necesario pa hib'e hospital. pero ambulans no a haya tal.

Feliz y productivo diamars. Awe, 26 di maart, Solo di Pueblo ta presenta su horoscop di dia.

Aries
E astron ta guia bo te n'e curason di e persona stima. Bolbe hala faha mara. N'e situacionnan difencil na trabao, sea diplomatico. Percura pa no frecuente ambiente hopi carga. Number di suerte: 28, 46, 5.

Tauro
Desconfia di esun cu ta elogia bo di mas. E temporada di gasto grandi lo yega na su fin. Lo bo descubri cu bo a comete un eror na trabao. Comenta na bo dokter di e cansancio persistente ey. Number di suerte: 44, 93, 7.

Geminis
Papia cu bo pareha di bo necesidadnan. Sea prudente cu gasto. Si bo no tin trabao, oposicion ta un opcion. Controla e cantidad di loke bo ta come, ta fundamental pa mantene bo peso. Number di suerte: 89, 12, 8.

Cancer
Lo bo busca un acercamento y e relacionnan familiar lo mehora. Negoshi por ta adverso pabo. Bon dia pa manda e curriculum. Bo dieta mester ta lo mas balansable posibel. Number di

suerte: 11, 45, 1.

Leo
Expectativa sentimental nobo lo wordo confirma. Purba spaar y no depende riba suerte. Busca aliado pa trabao, lo bo tin mester di nan. Relaha y descansa cu bo pianan na halto. Number di suerte: 21, 11, 1.

Virgo
Bo por pasa di pasion pa ruptura. Resolve bo asuntonan economico pendiente cu rapidez. Perspectiva laboral tremendo. No retrasa mas bo bishita p'e dentista. Number di suerte: 33, 65, 7.

Libra
E problemanan familiar no mester afecta bo asina hopi. Controla personalmente bo asuntonan financiero. Den actividad laboral, lo bo ricibi felicitacion di bo hefenan. Ocupa bo mes bo salud na serio, miho bo preveni. Number di suerte: 57, 38, 8.

Scorpio
Ta cumbini bo disfruta mas cu bo amigonan. Suerte durante e dia di awe den tur cos relaciona cu economia. Intervencion na ora den e resolucion di un problema laboral. Haci algo di ehercicio y tuma bida mas relajadamente. Number di suerte: 91, 72, 3.

Sagitario
Esunnan mas yega na bo logra pa bo lubida e preocupacionnan. Si bo kier spaar, e marcanan blanco lo ta un bon opcion. Disfruta di gran flexibilidad mental y capacidad di trabao. Pa relaha bo mes, no tin nada miho cu un baño cayente. Number di suerte: 25, 43, 4.

Capricornio
Danki na un famia, lo bo cera paz cu un amigo. Vigila bo finansas di cerca, aunke no tin riesgo. Bo ta hopi receptivo n'e novedadnan laboral. Bo djenenan tin mester di revision urgente. Number di suerte: 21, 12, 3.

Acuario
Bo famianan lo responde cu cariño. Studia bo activo y pasivo y sca bo conclusionnan. E consehonan profesional cu bo ricibi lo ta beneficioso. No preocupa pa bo salud, e tosamento lo desaparece. Number di suerte: 93, 91, 2.

Piscis
Lo bo pone fin na tur bo dudanan despues di dialoga. Momento ideal pa amplia negoshi y inversion. E ambiente laboral ta presenta tranquil y sin cambio. Evita exceso riba mesa. Number di suerte: 99, 15, 1.

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

E prome grupo di tata pa año 2024 a termina Best Dad Ever



‘Dicon no tin algo asina aki pa hende muher? Ami ta haya cu mester tin un proyecto asina aki pa hende muher tambe. Mi ta asina impresiona di kiko mi pareha a haya durante Best Dad Ever’: Un pareha di un tata cu a participa na Best Dad Ever ta duna su opinion na final di e proyecto.

‘Despues di e di dos sesion di Best Dad Ever caba, mi a mira cambio positivo

den su relacion y contacto cu nos yiu. Y ela bin di djemes, no door dimi’: Un otro pareha di un tata cu a participa na Best Dad Ever ta duna su opinion na final di e proyecto.

For di 5 di maart te cu 21 di maart ultimo, e prome grupo di tata pa año 2024 a participa na e proyecto Best Dad Ever y a finalisa Best Dad Ever cu un certificado. Best Dad Ever ta un proyecto caminda cu,

durante 7 sesion tatanan y futuro tatanan ta traha ariba nan habilidadnan pa ta un mihor tata di local cu nan ta caba. Best Dad Ever ta stimula e participacion di hende homber den educacion di nan yiu. E tatanan ta ricibi tips, informacion y conocimiento con nan por ta mas involucra den bida di nan yiu.

Estudio haci na Aruba na 2012 a muestra cu e relacion entre tata y yiu na Aruba lo ta zwak. Esaki a pone cu Fundacion Telefon pa Hubentud Aruba a laga haci un estudio mas profundo na año 2016 pa asina aki haya un mihor bista di kiko tatanan ta pensa di nan rol den educacion di nan yiu. Un di e resultadonan di e estudio ta cu tatanan kier ta mas involucra cu educacion di nan yiu. Debi na esaki Fundacion Telefon pa Hubentud Aruba a crea Best Dad Ever na 2016 y a cuminsa cu implementacion di Best Dad Ever na 2017.

Algun temanan cu ta parti di e sesionan ta por ehempel: impacto di un tata, planea famia, duna cuida, violencia etcetera etcetera. Algun partner cu tambe



tawatatin un rol durante algun di e sesionan ta Famia Planea y partera Michael Quandt.

Best Dad Ever por tuma lugar danki na sosten di Setar N.V, Aruba Airport Authority N.V. y The Salamander Group.

Pa mas informacion tocante Best Dad Ever por tuma contacto via nos website: 131.aw, Instagram: Instagram: 131aruba, facebook: https://



www.facebook.com/aruba.131, email: 131aruba@gmail.com of telefon 5886138/ 5884011.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 25 Maart 2024 Merdia	
CATACHI Sorteo # 4220 2760 6044 3052 MULTI X FP BIG 4 Sorteo # 4220 7382 MULTI X FP DFF Sorteo # 2276 2489 ZODIAC Sorteo # 4220 1433 Capricornio LUCKY 3 Sorteo # 1094 700 MULTI X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 150.000,-	LOTTO DIA Sorteo # 0 x Jackpot 0 x Match 4 0 x Afl. 8,00 60.000,-	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 300.000,- Afl. 400.000,-

BO SANGER TA SALBA BIDA!

587 0002
StichtingbloedbankAruba

Registra pa bira donante na www.bloedbankaruba.aw

MARAVILLAS DE LA FE

Salud Suerte Amor

Aruba: 748-5671

Cartas di tarot

Bo ta sufrí di un malestar cu bo no por cura?
 Bo ta victima di bruheria?
 Bo plaka no ya jega?
 Bo cumpra numbernan y bo no ta gana?
 Bo ta bal casino y no puede tur bo plaka?
 Bo tin problemanan di amor?
 Bo pareja ta gañabo?
 Fracaso. Soledad. Malesanan angustia. Mala suerte
 Comunica na 748 5671



INDICE DI FERTILIDAD TA PRONOSTICA UN FUTURO SCUR PA HUMANIDAD

Un estudio dirigi p'e instituto di Midicion y Evaluacion di Salud (IHME) di e Universidad di Washington na Seattle, cu a involucra cientos di institucion y colaborado di henter mundo, ta pronostica cu, pa 2050, mas di tres cuarta parti (155 di 204) di e pais y e regionnan di mundo no lo tin indice di fertilidad lo suficientemente halto pa sostene e tamaño di e poblacion a lo largo di tempo.

E situacion aki lo bira mas critico pa 2100, ora cu solamente 6 di 204 (97%) di e paisnan y teritorio (Samoa, Somalia, Tonga, Niger, Chad y Tayikistan) lo tin indice di fertilidad mas halto cu 2,1 nacimiento pa cada hende muhe.

Indice di fertilidad cu un Free Fall

En general, e paisnan tin mester un indice di fertilidad total (TGF) di 2,1 yiu pa persona cu por duna luz, pa sostene e reemplazo generacional di e poblacion a largo plaso. TGF di un poblacion ta e cantidad promedio di yiu cu ta nace for di un hende muhe a lo largo di su vida, suponiendo cu e lo produci cu e indice di fertilidad actual durante e añanan reproductivo.

TGF Mundial a reduci na mas di e mita den e ultimo 70 añanan, di alrededor di 5 yiu pa cada hende muhe na 1950 na 2,2 yiu den

2021. Actualmente, mas di e mita di tur e paisnan y teritorio ta bou di e nivel di reemplazo di poblacion di 2,1 nacimiento pa cada hende muhe. E tendencia aki ta particularmente preocupante na luga manera Zuid Korea y Serbia, caminda cu e indice ta mas abao cu 1,1 yiu.

TGF, na nivel mundial y pa cada superregion di GBD (estudio di e carga global di malesa cu ta midi e salud poblacional), 1950-2000.

E liña horizontal descontinua ta indica TGF di reemplazo (2,1) y e liña vertical descontinua, ta indica año 2022 (e prome año di pronostico). GBD 2021 Fertility and Forecasting Collaborators.

Ta premira cu den e proximo decananan fertilidad mundial lo disminui ainda mas, alcansando un TGF di alrededor di 1,8 pa 2050 y 1,6 pa 2100, hopi bao di e nivel di reemplazo. Den 13 pais, entre nan Bhutan, Bangladesh, Nepal y Saudi Arabia, ta premira hasta cu e indice lo cay bao di un yiu pa cada hende muhe.

Contrast serio

E estudio nobo tambe ta pronostica, di un otro banda, cambio enorme den e patronchi global di nacimiento di e paisnan di mayor entrada n'esunnan di menor entrada. Asina, den contrast, den hopi pais

di Africa Subsahariano, e indice di fertilidad ta sigui ta halto. TGF di e region ta casi dobel di e promedio mundial, cu cuater yiu pa cada hende muhe pa 2021. Na Chad, e TGF di 7 nacimiento ta esun mas halto di mundo.

Den 2021, 29% di e babyman di mundo a nace na Africa Subsahariano. Pa 2100, ta premira cu e cifra aki lo aumenta na mas di e mita (54%) di tur e babyman, loke segun e autornan ta enfatiza e urgencia di mehora e acceso na anticoncepcion moderno y e educacion femenino den e paisnan aki. E estudio nobo aki a wordo publica diaranson den The Lancet.

Cambio demografico importante

E autornan ta adverti cu e gobiernonan nacional mester planifica e menasanan emergente n'e economianan, siguridad alimentario, salud, medio ambiente y siguridad geopolitico provoca p'e cambionan demografico aki cu lo transforma e forma den cual nos ta biba aden. Esaki ta nifica cu, den hopi luga, e poblacion lo reduci na menos cu e fertilidad abao por compensa cu un migracion etico y efectivo, of mitiga, den parti, mediante maneho cu ta ofrece un mayor apoyo n'e mayornan.

Impacto global



"Nos ta enfrenta na cambio social asombroso a lo largo di siglo XXI," e autor principal, profesor Stein Emil Vollset, di IHME, a bisa. "Mundo lo enfrenta simultaneamente un 'baby boom' (aumento di nacimiento) den algun pais y un 'baby bust' (caida di nacimiento) den otro," el a agrega.

"E implicacionnan ta inmenso," e co-autor princi-

pal y investigado científico principal IHME, dr. Natalia V. Bhattacharjee, a comenta. "E reconocimiento global di e desafionan encuan to migracion y e rednan global di ayudo lo ta ainda mas critico ora cu un feroz competencia p'e migrantenan existi, ta sostene e crecimiento economico y mientras e 'baby boom' na Africa Subsahariano sigui riba un bon ritmo," el a conclui.

ORACION DI DIA



Un feliz dia yena di bendicion y colma cu hopi fe y confiansa den nos Bon Dios

El a bisa nan:..... "Pakico boso tin tanto miedo asina? Ainda boso no tin fe?" (Marco 4, 40)

Confiansa. Un palabra cu nos conoce bon. For di chikito nos a siña confia nos mayornan. Sin pensa, di biaha nos ta kere nan, pasobra nos sa cu nan ta stima y cuida nos. Segun cu tempo pasa, nos ta crece y ta topa hende den nos caminda di bida cu kisas a defrauda nos. Nos ta cuminsa duda den e sinceridad di hende. Y perde confiansa y speransa den Dios. Tambe nos tin miedo di faya y miedo cu otro hende ta faya nos. E discipelnan a duda, nan tambe a haya miedo y a perde speransa. Nan no sa di e poder todopoderoso di nan Maestro Hesus. Nan no conoce ainda. "Ta ken e homber aki ta? Hasta biento y lama ta tende di djE' (Marco 4, 41) nan a bisa. Nos tambe por scapa di un tormenta o un turbulencia den nos bida. Scucha Su Bos severo cu ta papia den nos curason, pa nos confia den djE, E Yiu di Tata.

Oracion: Señor Hesus, haci mi Fe mas grandi. Yuda mi. Proteha mi. Duna mi forza pa enfrenta tur problema cu un calma, paden den mi ser. Den e nomber prestigioso di Hesus di Nazaret. Amen.